

善山金氏族譜序

省族必有譜有譜必知其某派某公之孫也則譜之所系也豈
不重且大乎百尺長松鬱々蒼々不知其幾萬條之達于尋淵
澤浩浩蕩亡亦不知其幾萬派之分也及其溯本達源則一本
根一源水也至於人之有族繼繼承承直傳傍分不知其幾派
幾世之苗裔也反本原始則一箇是祖先之血脈比如木同根
而異枝水同源而異派抑亦木之有本水之有源容易乎尋源
達本也人之追遠尊祖不知肇跡之如何况世系之所分乎然
則譜之所重且大良以是也余分憂來茲謹按聞善山金氏之
設譜所繡梓過了許多年月始得了然焉其於尊祖敬宗之道
孰不改容而起欽余雖才淺學蔑慰賀之心並交于中不可無
弁意之文故忘其固陋若干數語以答追慕敦愛之誠 關智

大王迺金氏之鼻祖也出自鷄林金枝玉葉繁榮幾十世而至
于和義公勣入雄城一傳至于再傳至孫綿行服窮澤斬派流
各郡如薦與女蘿施于松柏世世遺蔭派派享福朝紳宏儒無
處無之可謂植本固發源長而做出來者也歟奉審事蹟書畧

如左

崇禎後五己亥四月上澣知郡 蔡奎昇 序

善山金氏之系出自鷄林傳七世孫味鄒以朴氏外孫受昔氏
禪至敬順王凡三十七王而支裔漸蕃派分益衆各以所居之
地仍貫敬順王之七男諱太子季子殷說錫鏹鏹而錘封一
善君其八世孫諱魯公封一善君世襲王爵簪笏相引苗
裔之福延遠居者亦彬彬有公卿士大夫之家風焉余曾守三
水郡與金君明華甫得有素分詳探來歷則派自端川移居于

茲邑云而見其氏族之器行家行之卓爾余嘗有欽嘆者矣日
余以青海郡守移節北營聞金君之設繡梓可想敦睦之誼交
蔭之遠矣珪爵之相承紳笏之世守名儒之間出非得聞而知
之者素所慣熟於欽嘆處也修譜之感舉尤在於後裔之顯赫
而尊祖敬宗之誼入北系先之序煥然復明其在他人豈可未
嘗無寓敬之心况爲苗裔者哉蕪長公曰觀此譜者孝悌之心
油然而生余於金氏之譜畧述世德而以此奉勗焉
崇禎后五己亥孟夏上澣 平山人申林 謹序

蓋自闕智大王以至六十一世而遺澤不竭餘風不泯莫非積
善之餘慶而亦不無施德之厚恩也植固之木枝葉必茂淵深
之水流派感長者於是焉驗之於此焉證之也故春而鷹乃祭

身秋而獺乃祭鳥而物亦知夫報本之意也况於人乎余以世
下之不肖豈無慨然之心乎年多心抄愚而無誠貧而無謀有
志未就者久矣徒功悔想則胡可謂遠曠感之感也粵在辛
巳曾經叅奉諱 樾公出此報本之誠特以修譜之舉而一新氏
族之派矣據茲以來一傳再傳至于今日惟我十寸從弟准杞
顧其同宗之誼與分派之異而輪議各關收單萬宗鏗梓開刊
以盡報本之誠非持自家之顯赫亦是吾門之光輝也未有仁
而棄其親者未有義而忘其本者也其本已立則其支必顯故
焉枝之不可期其根之固千派之湮可卜其源之深也以此而
後則鷹之祭鳥獺之祭魚之理是皆真的慶也人而追遠報本
之義曷不措歟感哉

樂禎後五己亥孟夏上澣

世下孫

准忠

謹贊

譜者譜吾族也吾金之爲族支麗不億然其溯本則一人之
首○闕智大王傳至○敬順大王以王之七子諱鏞氏封一
君仍爲鄉貫子孫繁衍矣歷逮于 和義君諱成富氏以 我
祖開國功臣始卜雄城世且漸遠矣中經兵創蹟散失直傳
傍分不知本宗之由何難卜支裔之處何也辛丑夏愛隱先生
以故隱憂跋涉本鄉廣搜列史博訪遺文證其著脫真訛驗其
湮明絕續輒手成編新羅禪位之感德屬 朝襲爵之賢風復
振於今日始知吾金之爲貴而章章文獻可徵也辛巳秋 叅
奉間谷二先生業受 宋允菴門而歸繼以輯編吾金之世德
再傳於譜而顯顯昭穆可序也丙午春 取正先生與幼學膺
海二公以一世文鳴之宏儒述以揭錄吾金之世德三傳於譜
而繩繩年代可攷也由此觀之列祖王烈雖偉非中賢善繼善

述之誠胡可闡也。肯不粵乎。唐虞之道得孔子而益彰。孔子之道暨程朱而尤盛者哉。本支六十世親親長長之道。燦然盡述而明矣。故觀吾譜者。孰不孝悌之心油然而然乎。然又年代累遷。後族譜而生者夥。而子不系父孫無承祖。殆同譜外之人。庶幾若熹微所自分矣。故丙申冬。准杞明革二公。以此惕然。輪議於各關設棹于三江。採而輯之。萬支之繁榮咸歸于一本之鞏固。著見卷章矣。然後進居廟堂。退處江湖者。股屬雖遠。開卷一覽。則完對一堂之人也。然則敬先裕後之舉。孰甚於譜也。先公三傳之具。畢張於今日。後之君子。觀感勉旃焉。於萬斯年。吾金之爲族支。雖不億本。則一人也。以一人之道。未負一人之義也。其

崇禎後五年己亥四月上澣不省探校正有司

柱衡

遺慕譜序

羅王孫子本支六十世吾金盞顯世德作乂高居廟堂者竭忠
效義遠處江湖者扶綱振紀入畫修齊出爲翹楚以爲家業而
一傳再傳矣至於余愚自端移三班風不慣世紀無親何殊焚
岡之玉渡淮之橘哉心焉慷慨欲修自己尤之道莫若尊祖敬
宗之義也故與隣近明草甫先通靈犀復馳意馬不下余所
計耳設梓于茲收單于彼一一修牒王祖之盛德中賢之偉烈
其在斯乎其在斯乎開卷一誦則孰不廢書而嘆哉然後慨心
自弛庶若上母忝厥祖下不負來裔有補於萬一也后之君子
勉哉勗哉今日之事任在今之人倘來之事責在倘來之人也
編輯繼修則其於敦睦之義何不持盛殆

崇禎后五己亥

上泮不肖孫

淮杞

追慕謹跋

惟我鼻祖肇跡鸚林父傳至子子傳至孫綿衍累十世分門割
戶散處四方視同路人噫尊祖敬宗之道從自那裡來耶古人之
所修譜者良由是也樵氏之眷子于此陵涉諸縣博采遺蹟蒐
輯錄幾冊子則此乃因兵剽失後一盛事也然而尊閣一處
許多諸宗難以遍覽我自何祖而分彼自何派而出余慨然于
茲與二同志同宗派派發喻戶戶收單自丁酉春始設繡梓
之役至己亥夏告成也則我祖數千載裕後之基址宛然復觀
于今日我宗幾十派承先之孝悌油然而更生于他日者孰過
於此所欲成矣所願畢矣畧表秉情附見于左

崇禎後五己亥孟夏齋孫

明華謹序

夫譜牒之修何義也。上以別祖宗昭穆之序，下以示子孫敦愛之誼也。惟我金氏鵷林遺裔，或居廟堂之高，或處江湖之遠，不知其某先某派之孫也。則此果無譜牒刊布之故也。歟！余之家君平日慨然者以是耳。往在丁酉春，仲設所于三江，則命余恪心行義云。故繡梓之役，跋涉之勞，二三同志而隨應許。多年月始得了慾焉。滿腔子欣喜之心，倘復如何哉！排譜一覽，則同是我祖先那道遠近之分，均是我宗族。豈校親疎之誼乎？後來諸宗勉之哉！戒之哉！其於尊祖愛族之道，如有汗漫之舉，則豈得做人樣子者哉！畧表區區奉書于左。

銘曰：惟我祖之肇跡，今彼鵷林中翰音喔々兮。佳氣蔥蔥，植本固兮。金枝玉葉之繁榮，和義公之入北兮。始尊居於雄城，倚嶽孫之衆多兮。廟堂蓋已翰墨有名，惟吾譜之修成兮。僉君子之

惓惓承先業之無窮兮將以裕後於行綿

上元甲子三十六年己亥孟夏裔孫 仁炯謹銘並序

右譜二冊先王考蒐輯而肇述者也尊祖敬宗之義繼世傳後
之教聞卷章章文獻可徵何則譜者譜吾族也吾族之踈遠而
爲塗人者同在於一牒中而溯其本源則均是一氣之分也然
則斯譜之作庸詎非窮源溯流之大扛咨耶噫我善金自南而
北者厥維舊矣矣而牒譜之成始於先王考尤可慕仰乎效誠
致方之謹且摯也乃於江陵安東義城魯山慶州等五邑間有
族姓之分居跋涉周訪三扣其門而攷證諸譜因畧致詳焉蓋
撮其先蹟之雜出於餉編者輯錄於上統其諸族之散居遠邇
者附見於下爲先紹後之誠藹然於事爲之表其可尚已焉斯

言而觀吾譜者孰不孝傷之心油然而生也噫其於弁卷之
樂乃以子孫曷哉之誠終焉遺墨尙潤於卷面而年代貫遷於
俛仰其後於譜而生者到于今而幾人哉未續於譜中系派者
都緣於無人重修之致其流漸遠又經累世則殆同於譜外之
人焉微其所自出矣不肖無狀緬往懷來安得且懼也顧此朝
暮之入將近就木之期如違此時未克繼述則何能無忝於祖
先而有補於來後也此所而閔焉而悲惕然而懼者也肆我一
門之老不墜先志而有關於譜系耶今而後遵其勗哉誠其亦
後死者責後之重修者亦猶今之追述幸以先祖淡淡之至意
毋墮於永世繼繼之地云爾

崇禎后再辛巳六月既望裔孫 叅奉鳳塚 追慕謹跋

吾師愛隱先生曾於七十年前修我善山金氏族譜重本尊禮
敦親紹後之澤可謂不斬而代序累遷本支繁衍後生者將未
免不知派分之歸實爲大可愛者矣 先生胤孫鳳埭子抽恐
其先祖之所成但已不繼續成全譜於是乎代遠親疎之流咸
知爲一根之分子抽之功至此大矣而 先生貽後之德賴而
復光若子抽其系述之善者也雖然今日之舉任在今日之人
倘來之事責在倘來之人後來子孫若不自念於系修則是上
以忝 祖先下以負子抽也今日重修之功亦將徒爲爾客爾
後屬勉之勉之逐世改補則於萬斯年永斯無窮豈不盛哉爾
其於親親之誼亦不無小補云爾

歲舍辛巳六月既望齋孫開谷

九鳴 謹跋

善山金氏族譜識

氏族有譜尚矣李唐以來尤盛蓋復本原始之道尊祖敬宗之誼實有家名分之守所以親親戚戚繼業傳世之一大本也我東國俗專以門戶輕重人而文獻不及中華士族之傳其世譜者幾希近世士大夫稍稍以修明譜牒為事則世族家大有所益人之有世有系猶木之有本有枝水之有源有流無族譜則無以知祖先之所自出亦無以別姓宗之所自分子孫寢以乖繭或不識總麻之親視同路人不待親盡而疏且遠也何況親已盡不相識以至流轉四方綿衍千載者乎惟我金氏世守簪珪守傳孝友而始祖大王闕智出自鷄林金櫃實有神明之德其後七世孫味鄒以朴氏外孫受昔氏之禪初臻至治傳緒累十世其間奈勿慈悲智證太宗文武元聖興德神武文聖憲安

景文憲康皆賢聖有大烈至于敬順歸命高麗受封樂浪子孫
益以蕃昌官位多顯爲東方世家之冠以洎勝國源遠流長已
千七百有餘載世序之聯屬晒如日星之明雖然支派旣分鄉
貫互別宗義絕焉世業淪矣自我八代祖和義公勸入以來將
三百年于茲中經兵創記籍散失僅識爲和義之孫不知爲鷄
林之後况能辨世系之所自來乎嗟我中葉非無顯士秀儒述
人事通宗濁而諧牒之脩未暇焉是以權忘其固陋竊自慨恨
嘗謹搜古跡博訪遺文偶得檢校奉善二公帳籍及一善君以
下十六代系錄又因安東后人金公耆俊之勸賴與一二人偕
步向本鄉流行列邑窮尋同宗有識之士覓諸江陵義城安東
善山慶州各派譜十餘牒反始祖事蹟鄉貫分件數派錄悉破
傳輯如是周訪再三而訖行復聚諸史列傳乃遂定其考證以

之證其著脫真訛驗其湮明絕續輒手自修正初編要以爲記
久明遠之地而詳於同派以重祖畧諸分派以尊宗然後吾金
氏之世代又近枝派之條選族黨之親踈子孫之衆寡糊若觀
火易如指掌程夫子有言曰管攝天下人心收宗族厚風俗使
人不忘本須是明譜系立宗瀾宗瀾壞譜牒壞則人家不知來
處無百年之家骨肉無統雖至親恩亦薄自今以在常目在之
沂派以窮源由本以達枝知其爲一氣之所分胥篤親愛之義
以會舊德之名氏則先其尙曰予有後而弗恥其亦庶乎門德
歸寧矣於戲鼻祖之誕睿也始林鷄鳴氣化首出蘇頌乎有節
皇南尚見典職授政事近乎媯汭册位而弗預焉遂國而垂統
焉則其至德之基丕緝之謨貫啟夫神孫聖子繼繼繩繩業傳
羅代一千歷之久于嗟世祖之積善也審幾量力納土圖存義

符乎去有邠州命施權全民流化道媿乎官天下館賓于貳室
受祿于尚父而其德讓之風善慶之福自貽伊金枝玉葉振
蟄蛰位極歷廷五百年之遠蓋根深者葉茂原遠者流長理之
必然也永錫祿胤競用英豪霸於州郡遽有土地人民以輸貢
賦於國所以世居遂爲本貫享大名於當時流休光於後代者
豈非我祖宗德蔭深其根遠其源者耶宜其苗裔蔓延端冕之
澤悠久而无疆也第悼一善君以下十餘代諱系爵級僅得解
錄而杳無記事不能盡述其行狀墓山夫人氏族與其兄弟子
孫多寡有無之如何是余今日無窮之悲也余弟修譜則其後
乎今日者亦將何以為心哉竊余所以嘗試之蹟祖宗以恭德
業拜陵廟而致瞻仰儼然若在膝下而趨庭陞也者斯皆由我
先世德厚仁麻天實默佑冥冥之中而譜牒之成亦有待也然

則安東公所使闡揚世德之助不其大哉嗚呼古人之於宗族之恩百世不絕蓋服屬雖遠本同祖宗血脈相貫豈容間隔比如木同根而異枝水同源而異派一人之身骨肉至親無如兄弟推以歷三四世至於服盡者勢之無可奈何聖人亦不得已而制為禮燭服雖可盡情不可盡也其不可盡者弗與可盡者同盡則子孫之觀此譜者忠孝友睦之心油然而生矣能思先人之德業則不敢失墜又將知某為某之後於吾為叔姪若兄弟之行不見而情已親已見而情益厚雖萬代之遠雲仍之家怡怡然情若一家豈至如路人而同視也哉是足以教愚誼而重倫理與孝悌而成禮讓此安東公之所倦々也凡為子孫者其尚亦勗之哉

皇明崇禎紀元後己丑夏五月十九日裔孫宣教郎行崇陵祭

漢書

卷之

第

十

卷

之

十

卷

之

十

卷

之

十

卷

之

十

卷

之

十

鷄林金氏世譜卷之

始祖

金闕智

初冊位太
子拜為大
輔後謙位
不立返封
大王
摩貞夫人
普氏父葛
文王康造
祖脫解王
會祖龍城
國王舍達
波會姓女
國王之女

二世

子漢世

居西干

三世

子阿道

波干

四世

子首留

角干

五世

子郁甫

角干
一作郁轉

六世

子仇道

七世

八世

九世

十世

十一世

喜山金氏世譜一